



# მთავარი | ახალი ამბები | სტატიები | ბლოგები | სანავსოხო სვეტები

ახივი ▶  
მოპვნიქი ▶

ხელი | ხმები

RSS

English Articles

საზოგადოება

28 დეკემბერი, 2009 (All day)

## უიმედო კოპენჰაგენი

თემო ბარძიმაშვილი

გლობალური დათბობის შესაჩერებლად გეგმა კვლავ არ არსებობს.



Let's turn Copenhagen into Hopenhagen - ვაქციოთ კოპენჰაგენი "იმედჰაგენად" - რამდენიმე თვის წინ ასეთი მოწოდებით დაიწყო ერთ-ერთი ინტერნეტ-კამპანია, რომლის მიზანიც კოპენჰაგენში 7-18 დეკემბერს კლიმატის ცვლილებისადმი მიძღვნილი კონფერენციის მხარდაჭერის გაზრდა იყო. თუმცა, მსგავსი კამპანიები ქვეყნებს შორის გლობალურ დათბობაზე ერთიანი აზრის მისაღწევად საკმარისი

არ აღმოჩნდა.

2009 წლის 7 დეკემბერს კოპენჰაგენში გაერო-ს კლიმატის ცვლილების ჩარჩო-კონვენციის (UNFCCC) მე-15 კონფერენციაზე 192 ქვეყნის წარმომადგენლები ჩავიდნენ. მათ უნდა გადაეწყვიტათ, როგორ შეეჩერებინათ კლიმატის ცვლილება 2012 წლის შემდეგ. კიოტოს ოქმის მიხედვით, სწორედ 2012-სთვის ბევრმა განვითარებულმა ქვეყანამ აიღო ვალდებულება, შეამციროს სათბურის აირების გამონაბოლქვი. თვითონ კიოტოს ოქმი მსოფლიო ქვეყნებს სამ კატეგორიად ანაწილებს: 1) ე.წ. დანართ 1-ში შემავალი ძლიერი ინდუსტრიის მქონე ქვეყნები, რომლებსაც გამონაბოლქვის შემცირება ევალებათ; 2) დანართი 2. ქვეყნები, რომლებმაც ე.წ. "დანართგარეშე", ძირითადად განვითარებად ქვეყნებს ფულადი დახმარება უნდა გაუწიონ და 3) თვითონ "დანართგარეშე" ქვეყნები, რომელთა სიაშიც შედის საქართველო. "დანართგარეშე" ქვეყნებს არ ევალებათ გამონაბოლქვის შემცირება, ვიდრე განვითარებული ქვეყნები მათ შესაბამის დახმარებას არ გაუწევენ.

მიუხიდააო იმისა. რომ აქამოი ანაითარბაოი ძიონბის მიირ იმისიბის შიმიირბა

## Announcement



### ლიბერალი №104

29 დეკემბერი, 2011

- გუდიაშვილის მოედანი
- "საქართველოს ფოსტა" - გზა მომგებიან ბიზნესად ტრანსფორმაციისკენ
- ფასადების ფეტიში

## ფორუმი

უნდა დახარჯოს თუ არა მერია 3 მილიონი საახალწლო ღონისძიებებზე?  
16 დეკემბერი, 2011 - 43 კომენტარი

» მეტი »

ნებაყოფლობითი იყო, გასულ კონფერენციაზე დავა "დანართგარეშე" ქვეყნების მიერ გამონაბოლქვის შემცირების აუცილებლობის ირგვლივ გაიმართა. მდიდარი ქვეყნები უკმაყოფილებას გამოთქვამდნენ, რომ ისეთ ქვეყნებს, როგორც არის ჩინეთი და ინდოეთი, მათი სტატუსის გამო, გამონაბოლქვის შემცირება არ ევალებათ. ეს ქვეყნები არც ერთ დანართში არ შედის, თუმცა მათი წვლილი საერთო გამონაბოლქვში საგრძნობია. თავის მხრივ, განვითარებადი, ძირითადად კი აფრიკის ქვეყნები, უკმაყოფილებას გამოთქვამდნენ იმის გამო, რომ განვითარებული ქვეყნები მათ ხარჯზე ცდილობენ გლობალურ დათბობასთან ბრძოლას და ამით კიოტოს ოქმის "მოკვლას".

გარემოსდაცვითი ორგანიზაცია "მწვანე ალტერნატივის" თავმჯდომარის, მანანა ქოჩლაძის თქმით, სათბური გაზების ემისიების შემცირება, დიდი ხანია, პოლიტიკური ზემოქმედების იარაღად იქცა. "ეს არის განვითარებულ და განვითარებად ქვეყნებს შორის ორთაბრძოლის არენა: რამდენად კიდევ უფრო განვითარდება ერთი და რამდენად განუვითარებელი დარჩება მეორე".

ამ დაპირისპირების ფონზე საქართველო საკმაოდ თავშეკავებულია. კოპენჰაგენში საქართველოს გარემოს დაცვის სამინისტრომ ჩაიტანა ვალდებულებათა სია, რომელიც მოიცავს ტყეების გადარჩენას, სათბური გაზების ნაკლებ გამომყოფი ტექნოლოგიების დანერგვის ხელშეწყობას, კლიმატის ცვლილებისადმი ადაპტაციის სისტემის შემუშავებას და თანხების მოზიდვას ადგილობრივ დონეზე მავნე ემისიების შემცირებისთვის.

თუმცა, ეს ვალდებულებები საკმაოდ ზოგადად არის ჩამოყალიბებული. დოკუმენტში არ არის დაკონკრეტებული, თუ რა რაოდენობით ვარაუდობს საქართველო სათბური გაზების გამოყოფის შემცირებას, და რა მექანიზმებითა და თანმიმდევრობით აპირებს ყველა ჩამოთვლილი ვალდებულების მიღწევას. ფაქტობრივად, საქართველო არ აპირებს თავის თავზე იმაზე მეტი ვალდებულებების აღებას, რაც ეს აქამდე კიოტოს ოქმით იყო გათვალისწინებული.

გარემოს დაცვის სამინისტროს ჰიდრომეტეოლოგიური და კლიმატის ცვლილების სამმართველოს უფროსი, გრიგოლ ლაზრიევი მიიჩნევს, რომ საქართველომ არც უნდა აიღოს თავის თავზე ახალი ვალდებულებები. "ჩვენ ახლა რომ მივეუთითოთ, რომ ვაპირებთ, ვთქვათ, 25%-ით ემისიების შემცირებას [1990 წელთან შედარებით], მაშინ ავტომატურად ოქმის დანართ 2-ში მოვხვდებით, და ამ დანართის მიხედვით მოგვიწევს მერე განვითარებადი ქვეყნებისადმი დახმარების გადახდა". მისი თქმით, ეს ვალდებულება ისედაც არის შესრულებული, რადგან საქართველოში, 1990 წელთან შედარებით, ინდუსტრიასთან ერთად გამონაბოლქვიც მნიშვნელოვნად შემცირდა. ახლა დამატებითი ვალდებულებები ქვეყნის ეკონომიკურ განვითარებას შეუშლის ხელს.

არასამთავრობოები ამ მოსაზრებას მხოლოდ ნაწილობრივ იზიარებენ. მანანა ქოჩლაძე ამბობს, რომ მიუხედავად იმისა, რომ რეალურად საქართველოში ემისიების რაოდენობა მწირია და მისი შემცირება არ არის საჭირო, ამის ქალაქში დაფიქსირება სხვა ქვეყნების დასანახად მაინც სასურველი იქნებოდა. "ევროკავშირი დაინახავდა, რომ ჩვენ

მართლაც ვცდილობთ საერთო საქმეში ჩვენი წვლილის შეტანას".

კონფერენცია გარკვეული შედეგით დასრულდა. შეერთებულმა შტატებმა გამოთქვა მზადყოფნა, განვითარებად ქვეყნებს 100 მილიარდი დოლარის დახმარება გამოუყოს, ხოლო ჩინეთი დათანხმდა, მისი ემისიები საერთაშორისო მონიტორინგმა აკონტროლოს. მიუხედავად ამისა, კოპენჰაგენში მიღწეულ შეთანხმებებს უფრო განზრახვების სახე აქვს, ვიდრე კონკრეტული გეგმის.

შეთანხმება მხოლოდ ზოგადად მოიხსენიებს მსოფლიოში საშუალო ტემპერატურის ზრდის შეჩერებას და 2050 წლისთვის ემისიების განახევრებას. კონკრეტული ნაბიჯები, როგორცაა ერთი წლის განმავლობაში საკანონმდებლო მექანიზმების შემუშავება, საბოლოო ვერსიიდან ამოღებული იყო.

ჩნდება ეჭვი, თუ რამდენად მზად არიან განვითარებული ქვეყნები, გადადგან რეალური ნაბიჯები გლობალური დათბობის შესაჩერებლად. საბოლოოდ ეკონომიკური სარგებლის გარემოს დაცვაზე მალა დაყენება შეიძლება ისევ ამ ქვეყნებს დაუჯდეს ძვირად.

Like 5 people like this. Be the first of your friends.

Share / Save

31  
-21 დაბოვან კომენტარი

თქვენი სახელი: \*  
სტუმარი

E-mail: \*  
[input field]

ამ ველის კონტენტი პირადია და არ გამოჩნდება.

Comment: \*  
[large text area]